



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-05-3-1483-2/15

Datum: 21.9.2015. godine

Na osnovu člana 5. Odluke o priznanjima Općine Tešanj ("Službeni glasnik Općine Tešanj" broj 4/15), Općinski načelnik objavljuje

**PONOVLJENI KONKURS
za izbor idejnih rješenja za izgled priznanja Općine Tešanj**

Objavljuje se konkurs za izbor idejnih rješenja za izgled priznanja Općine Tešanj (u daljem tekstu: Priznanja) "Ključ grada", "Plaketa" i "Zahvalnica".

Prilikom predlaganja idejnih rješenja Priznanja, treba imati u vidu da se Priznanja dodjeljuju kako slijedi:

- "Ključ grada" dodjeljuje se državljanima drugih zemalja, međunarodnim organizacijama, bosanskohercegovačkim i inozemnim gradovima, građanima Bosne i Hercegovine koji nemaju prebivalište na području općine i pravnim licima koja nemaju sjedište na području općine.

- "Plaketa" i "Zahvalnica" dodjeljuju se ustanovama, privrednim društvima i drugim pravnim licima, udruženjima građana, pojedincima i drugim subjektima za izuzetan doprinos u razvoju općine Tešanj u oblasti privrede, kulture, umjetnosti, obrazovanja, nauke, zdravstva, sporta, zaštite ljudskih prava, socijalne zaštite, zaštite i spašavanja ljudi i materijalnih dobara, te afirmaciji općine Tešanj.

Idejna rješenja izgleda priznanja (npr. prigodna diploma) "**Ključ grada**", "**Plaketa**" i "**Zahvalnica**" **treba da ispune slijedeće uvjete:**

- da su pogodna za postavljanje na zid, odnosno da imaju izgled diplome minimalnih dimenzija 0,5 x 0,3 m,
- da ukupni tekst sadrži i elemente: Bosna i Hercegovina, Federacija Bosne i Hercegovine, Zeničko-dobojski kanton, Općinsko vijeće Tešanj/Općinski načelnik.
- da sadrže Grb općine Tešanj,
- da imaju odraz tradicije, kulturne i historijske baštine Tešnja,
- da budu na bosanskom jeziku.

Od navedenih uvjeta može se odstupiti ukoliko postoje opravdani razlozi.

Pored dodjele priznanja, "Ključ grada" dodjeljuje se i u prigodnoj izvedbi ključa, a idejno rješenje izgleda "Ključa grada" treba da uobziri:

- da treba biti izrađen od tvrdog i kvalitetnog materijala, prikladnog oblika i veličine,
- da ima odraz tradicije, kulturne i historijske baštine Tešnja.

Sva idejna rješenja treba da predstavljaju simbol općine Tešanj, kvalitet ukupnog koncepta življenja, da budu inovativna, da sadrže realne tehničke parametre i da budu izvodljiva.

Priznanja imaju unikatni karakter i predstavljaju autorska djela.

Idejna rješenja treba dostaviti u boji i u crno-bijeloj tehnici, u pisanom i u elektronskom obliku na CD/DVD, sa opisom, tehničkim karakteristikama (tehnike rada i izrade, materijal, cijena izrade po komadu i drugi bitni elementi), kao i opis ideje autora (šta simboliše i na koji način).

Pravo učešća na konkursu imaju sva pravna i punoljetna fizička lica.

Učesnici na konkursu mogu konkurisati sa više radova, ali svaki rad mora biti dostavljen kao posebna pošiljka.

Najuspješnija idejna rješenja izgleda Priznanja (prigodna diploma) bit će nagrađena kako slijedi:

- prva nagrada: 500 KM,
- druga nagrada: 300 KM,
- treća nagrada: 100 KM.

Pored prigodne diplome priznanje “Ključ grada” dodjeljuje se u obliku prigodne izvedbe ključa, a idejno rješenje izgleda “Ključa grada” će se nagraditi, i to:

- prva nagrada: 800 KM,
- druga nagrada: 400 KM,
- treća nagrada: 200 KM.

Ukoliko se ocijeni da prijedlozi ne zadovoljavaju uslove ovoga konkursa, Komisija može donijeti odluku da se nagrada neće dodijeliti. Nenagrađeni radovi vraćaju se autorima.

Isplatom nagrade sva autorska (imovinska) prava prelaze na Općinu Tešanj bez ograničenja, o čemu će se zaključiti ugovor. Autor se obavezuje da će za potrebe Općine Tešanj, prije zaključenja ugovora, dostaviti uzorke za izgled izvedbe “Ključa grada”. Za realizaciju, odnosno izradu Priznanja sklopit će se poseban ugovor za svako rješenje posebno.

Općina Tešanj i nagrađeni autor vrše dodatne konsultacije oko izrade i konačnog rješenja.

Prijedlozi se dostavljaju anonimno, bez signiranja autora, a svako idejno rješenje označava se šifrom i prilaže se u zatvorenoj koverti, sa naznakom: “Idejno rješenje za izgled priznanja Općine Tešanj - ne otvarati”. U istoj koverti potrebno je dostaviti drugu, zatvorenu kovertu - sa podacima o autoru, ili grupi autora (ime i prezime ili naziv, izjava autora da je predloženi rad izvorno autorsko djelo, te potpis autora). Predajom rada autori prihvataju sve uslove ovoga konkursa.

Prijave se mogu dostaviti najkasnije 13. oktobra 2015. godine - na adresu:

Općina Tešanj, Trg Alije Izetbegovića 11, 74260 Tešanj.

Dostavljeno:

1. Mediji,
2. Arhiva

OPĆINSKI NAČELNIK

Mr. Sc. Suad Huskić, profesor